

和比之極古明虛心實腹坐忘合道不假
威權無勞勇猛故言善為士者不武也混
是非之情除愛憎之見善戰不怒也物無
害武順而不逆善勝敵不爭也心王既靜
志在冲虛耳目無擾手足不勞善用人為
下也合自然之理故曰配天契普之真際
古之極也○成疏配合也天自然也極道
果也言善修之士妙體其空達於逆順不
與物爭故能合至理之自然契古始之極
道此總結成也

道德真經玄德纂疏卷之十七

道德真經玄德纂疏卷之十八

唐玄宗御註并疏

河上公嚴君平李榮註

西華法師成玄英疏

陳陽強思若纂

用兵有言章第六十九

明守持三寶之人能會古之極道故
此章即明此理人雙遠空有不捨大
意就此一章義關四別第一明推物
運推示根塵空幻第二重明前義以
顯真空第三明捨塵之人輕敵夫
道第四明涉境運智無出大意

第一明接物運推示根塵空幻大意

君謀共工而湯惡大禹作又射防風
而示成湯放桀於鳴條或泉紂於
野王文初約白紂于壽野外戰於
人然內怨於善勝先君明成則有
言不敵恐二深實所以慎之戰或
將不敵恐二深實所以慎之戰或
生說迷莫振宜知高為盡而良可
飲調誠而游臣死軍并未道將不
得軍飯未飲時不飲於漢獄何不
死於秦庭信足法於漢獄何不
二詳之執排寇東門義四略之風養
用南極尊大聖明訓知止是推我身
身存宜有

有言

御註老君傷時輕殘人於兵故託古以陳
誠有言者謂下文○御疏老君疾時輕敵

致禍樂戰殺人故託古以申誠所稱有言
謂下句也○河上公曰陳用兵之道老子
疾時用兵故託已設其義○榮曰引古兵
法○成疏用兵謂權智攝化養生亦是修
行人用六根涉於塵境有言者有用兵之
法言在下文

吾不敢為主而為客

御註吾不敢為主而為客不敢進寸而退
尺主有動作則生事而貪客無營為則用
慈自守善守則全勝生事則敗亡進雖少
不能無事退雖多不失謙讓故不敢進寸
而退尺爾○御疏吾者用兵之人也先唱
為主後應為客主先唱示生事而貪客後
應示以慈自守欲明古者用兵常有誠今
當須以慈自守不可生事而貪故云不敢
為主而為客也○河上公曰吾不敢為
主主先也先舉兵也而為客客者和而不
唱用兵常承天而後動也○榮曰在國先
舉為主在陣先動為主先舉先動協必
危今欲保全故云不敢為主和而不唱後

而不先故言而客也。○成疏主我身也。客前敵也。根塵兩空。物我俱幻。既無身之能緣。亦無前塵之可深也。

不敢進寸而退尺。

御疏夫以道退守則善勝進兵取強則敗。

亡故進雖少猶傷於貪退雖多愈得謙讓。今鄙其競爭則云不敢進寸尚其慈讓故云而退尺也。○河上公曰。侵人境界利人財寶為進。閉門守城為退。嚴曰。幸彼還也。恐人財殫力屈。○榮曰。不以兵強外侵。故云不進寸而以積德內守。故云退尺也。○成疏進取也。退捨也。寸少以況無尺多。以況有也。既而境智雙遠。根塵兩幻。體茲中一離彼兩偏。故無為之可取。亦無有為之可捨也。

第二重辯前義以顯真空

是謂行無行

御註為客退尺不與物爭。雖行應敵與無行同。○御疏夫行師在乎止敵。貴乎不爭。今為客退尺善勝不爭。雖行應敵與無行

同矣。○河上公曰。彼遠不止為天下賊。雖行誅之不行執也。○榮曰。兵由彼起。我實不行。應物而行無心而動。行無行也。○成疏既遺蕩有無。又洞忘境觀。故以無行為行也。

攘無臂

御疏註云。攘臂所以表怒。今善戰不怒。故若無臂可攘。故曰攘無臂。○河上公曰。不怒若無臂可攘也。嚴曰。示不傷人也。先發號施。令先服者。賞後服者。傷小下者。利大下者。昌有罪者。免有能者。官若無臂而憑怒。○榮曰。怒而行兵。用兵所以攘臂為客退尺。不假臂以攘之。故言攘無臂也。○成疏。攘肢體故無臂可攘。

仍無敵

御註仍引也。引敵者欲爭不爭。故若無敵可引。○御疏仍謂引也。夫引敵欲有所爭。今以不爭為德。則是無敵可引。故曰仍無敵也。○河上公曰。雖欲仍引之心。若無敵可仍也。○榮曰。仍引彼敵。使歸無敵也。

執無兵

成疏物境空幻無敵可因

御註執兵所以表殺。今以慈為主。故雖執與無兵同。○御疏執猶持也。兵者五兵。戈矛之屬也。夫執持兵者。將欲殺敵。以慈為主。自戢干戈。則雖有兵。本無殺意。是則與無兵同也。○河上公曰。雖欲執持之。若無兵刃可持用也。何者。傷彼之民。罹罪於天。遭不道之君。恣忍哀之痛也。○榮曰。傷彼無道。為此執兵。以息兵刑。期無刑未失慈。義慕道自歸。無兵可執。○成疏。離形去智。故無兵可用。

第三明捨慈之人輕敵失道

禍莫大於輕敵。輕敵幾亡吾寶

御註為禍之大。莫大於輕敵。輕敵則殆。喪吾以慈之寶。○御疏幾近也。亡失也。寶謂慈也。夫為禍之大。莫大於輕侮前敵。好事交爭。如此則近喪失。吾以慈之寶矣。且失慈以戰。則敗亡以守。則離散代聞之禍。雖非一途。離散敗亡禍之大者也。○河上公

曰禍莫大於輕敵夫禍亂之害莫大於欺輕敵家倭取不休輕戰則敗亡也輕敵幾喪吾寶幾近也寶身也欺輕敵家近喪身嚴曰輕敵者自專也戰雖萬全不可輕易敵人輕敵對生亡時失利福去禍來是喪自然之寶也○禁曰兵主於殺不可常行於有事道貴幽靜是故制物以無為務在安人不令有害若退失無為之道進無靜寇之兵輕侮前敵國破人亡禍之大也國實人富主聖臣賢是名得寶人亡果盡

臣辱主危失近吾寶也○成疏禍莫大於侮敵侮輕凌也敵前境也輕深諸塵致三塗之報故成大禍也侮敵則幾亡吾寶幾盡也寶則前章三寶捨慈而勇謂之侮敵招之巨累故盡喪三寶

第四明涉境運智無出大慈
故抗兵相加衷者勝矣

御註抗舉也兩國舉兵以相加則慈衷於人者勝也○御疏抗舉也夫兩國舉兵以相加則由其君用道其將以慈矜衷於人

不求多殺者獲勝矣○河上公曰故抗兵相加兩敵相戰也衷者勝矣衷者慈仁士卒不近於死也○嚴曰人主者國之腹心兵者國之威神隱之玄域不得已而後行是以喻我豪俊悅我士卒衷慈於人動得

天助也○禁曰兩邊舉衆名曰抗兵多少均齊故云相若輕敵無備貪而好殺者劣也靜必依道動必以律不失於慈慈能制物衷者勝也內明煩惱多端非智不破欲陳其法故云用兵有言為主必雄強作客多唯弱行人欲息動歸靜知雄守雌故云不敢為主而為客也明道若昧進道若退學無所學修無所修不進寸而退尺也識因緣之皆假達理教之俱空行無行也非唯萬境虛寂抑亦一身空淨據無臂也內

亡智慧執無兵也外絕情欲仍無敵也若也放情極欲失道喪身亡吾寶也智慧煩惱二種恒隨抗兵相若也方便用於智慧微妙不失慈悲漏盡或祛肅然無累衷者勝○成疏若當也衷慈也抗舉也言根塵

相逼舉眼色等相當也仍以大慈之心虛察前境則能所兩空物我清淨故一切諸法皆成勝妙之境也

吾言甚易知甚易行

御註老君云吾所說言契理故易知簡事故易行○御疏老君云我所言者以暢於理理暢則言忘故易知也吾所事者事於無事簡事則無為故易行也○河上公曰

第一歡至教甚易知而凡不能解者明由
曰道心惟清則易知人心惟圓則難明心清則易知人心圓則難明
之於已凡使何五信或斷言天下易
行無過五法不干不損無欲無為
心何有之無難志則定之於東而
此處難達而無持此於天宮則同
而難達則則起於塵網之心何生
於王虛寂爾無偶於塵網之心何
而不步了學在深處志荒亦快道
肥於於情色聲於愛昏心情因
執忘業斯上則於難推之曾不悟易
行之教故曰之
聖人所乘哉

吾言甚易知甚易行

御註老君云吾所說言契理故易知簡事故易行○御疏老君云我所言者以暢於理理暢則言忘故易知也吾所事者事於無事簡事則無為故易行也○河上公曰

老君言吾所言省而易知約而易行也○
 嚴曰聖人言不言之言為不為之為絕言
 之道去心除意止為之術去仁與智止術
 去行歸於自然群生得志以至長存言易
 知事易行○榮曰聖人言教詞約理豐昭
 然義見易知也抱一絕於多惑無為斷於
 有累故易行也○成疏吾言即前章是也
 所深非深此則易知也行無行相甚易行
 也

天下莫能知莫能行

御註天下之人滯言而不悟煩事而不約
 故莫能知莫能行也○御疏此歎眾生不
 能了言無言執言而滯教惑於言教故莫
 能知也不能悟事無事煩事而不約迷於
 塵事故莫能行也○河上公曰惡柔弱好
 剛強也○榮曰凡情不遵於玄教守愚未
 開於智慧不識此道莫能知也迷淪有欲
 弗習無為素正從邪莫能行也○成疏莫
 無也老君之言甚易知易行而天下眾生
 昏迷愚鈍無能知至言虛妙依教而行者

也

言有宗事有君

御註言者在理得理而忘言故言以無言
 為宗事者在功功成而不宰故事以無事
 為君爾○御疏此覆釋易知易行所由宗
 本也君主也夫言者所以在理得理而忘
 言故言以不言而為宗本事者所以在功
 成功而遣事以無事為君主此豈不易知
 易行耶○河上公曰我所言有宗祖根本
 事有君臣上下世人不知者非我之無德
 與我反○榮曰宗本也君主也以道德為
 本其實易知以無為為主其實易行夫本
 逐末者多矣不體真宗放情違性者衆焉
 寧知君主舉衆並皆如此故云天下莫能
 知行也○成疏言經教也君天子也言教
 雖廣宗之者重玄世事雖繁統之者君主
 舉此旨要以表易知
 夫雅無知是以不我知
 御註夫雅代人無了悟之知是以不知我
 無言無事之教爾○御疏不我知謂不知

知我者希則我者貴

我也夫雅代人迷惑無了悟之知封著名
 相不能暢理於事執事於言滯言是以不
 知吾教以無言無事之意又解云老君言
 夫惟我所知雅在無知而天下之人用知
 求知是以不知我也○河上公曰夫雅世
 人無知是我道德之暗昧不見於外窮極
 微妙故無知○榮曰物皆闇惑內無一毫
 之鑒故云無知迷理夫道外無萬境之智
 故不吾知○成疏不吾知猶不知吾也唯
 彼衆生無知頑鈍故不能知我之至言也
 知我者希則我者貴
 御註了知我忘知之意者希少法則不言
 之教者至貴之爾○御疏希少也則法也
 老君言知我忘言契理之意者至希少也
 若能法則我言而行之者則可尊貴矣○
 河上公曰希少也雅達道乃能知我故為
 貴之也○榮曰役役之輩所重者名區區
 之徒所愛者利少能體道故言知我者希
 弱喪不歸歸之由於正路漂浪不反之
 入彼真源道在則尊法之為貴也○成疏

017 A 4 22 1-0

知我者希凡情浮淺蒙昧者多體知聖教
甚自希少則我者貴則法也依我經教則
而行之證於聖果所以為貴

第二舉聖人妙達故外蔽內明

是以聖人被褐懷玉

御註被褐者晦其外懷玉者明其內故知
我者希爾御疏褐裘也賤者之服藜藿
褐者所以蔽下之美衣也玉者潔而潤可
以此德君子言此者欲明聖人內心慧了
外狀如愚以如愚之狀故云被褐以慧了
之心故云懷玉○河上公曰被褐者薄外
懷玉者厚內也匿寶藏德不示人也○嚴
曰被褐者薄其身懷玉者厚其神○榮曰
順俗同塵外示鹿服被褐也玄德無滌純
白先生懷玉也○成疏知於聖言則於聖
教解行具足故成聖人褐是野人之服玉
是珍貴之寶外迹同塵被褐也內心虛靜
懷玉也懷玉也迹處俗而恒真被褐也心
虛凝而接物也

知不知章第七十一
知不知章所以
以前者前章明

聖人知道故外蔽內明故以此章明
難復能知而多知無知相與此一章
難復能知而多知無知相與此一章
難復能知而多知無知相與此一章
難復能知而多知無知相與此一章

知不知上不知知病

御註了法性空本非知法於知忘知是德
之上不知知法本性是空不知強知是行
之病○御疏夫法性本空而非知法聖人
悟此不有取相之知於知不著故云不知
是德之上此釋悟也不知知病者言常俗
之人不知知法本非真實於此無知之理
強謂有知有取著之縛所以為行之病此
辨迷也○河上公曰知不知上知道不言
知是乃德之上不知知病不知道言知是
乃德之病也○嚴曰知而絕知不困於知

御註了法性空本非知法於知忘知是德
之上不知知法本性是空不知強知是行
之病○御疏夫法性本空而非知法聖人
悟此不有取相之知於知不著故云不知
是德之上此釋悟也不知知病者言常俗
之人不知知法本非真實於此無知之理
強謂有知有取著之縛所以為行之病此
辨迷也○河上公曰知不知上知道不言
知是乃德之上不知知病不知道言知是
乃德之病也○嚴曰知而絕知不困於知

知故不生禍亂息矣不知知而絕知欲求
於知是病也○榮曰慧徹空有知通其俗
知也所照之境觸境皆空能鑒之智無智
不寂能所俱泯境智同忘不知也照如無
照知如無知此為上德也不知強知多知
多夫傷身損命是知之病○成疏知不知
上聖人妙契重玄迹不乖本洞忘虛寂知
則無知至本虛凝故稱為上故莊子云知
子之不知耶曰吾惡乎知之不知知病自
本降迹無知而知涉事救苦故稱為病

第二明寂應寂彰聖心無累

夫唯病病是以不病
御註夫唯能病強知之病是以病病強知
所病○御疏衆生強知妄生見著而為病
惱夫唯能病強知之病於知忘知則不為
強知所病故云是以不病○河上公曰夫
唯病苦衆人有強知之病是乃不自病也
聖人不病以其病病是以不病
御註聖人所以不病者以其病衆人強
知之病是以不病也○御疏聖人正知无

明了悟實相於知忘知故不為知之所病
 所以者以其病凡夫有強知之病故說真
 智以破之妄知之病既除真知之藥亦遣
 故云不病也○河上公曰聖人不病以其
 病病聖人無此強知之病者以其常若衆
 人有此病也是以不病以此非人也故不
 自病夫聖人懷通達之智託於不知者欲
 使天下質朴忠正各守純性小人不知道
 意而妄行強知之事以自顯者內傷精神
 滅壽清年矣○榮曰聖本遺知是以不病
 痛彼衆生有強知之病以其病病也痛惜
 衆生雖為軫慮而分別塵累不潔聖人是
 以不病也亦言以其病病者言衆人為分
 別之病所病也教以除分別忘知見既無
 有為之患故言是以不病也○成疏是以
 聖人不病聖人能行所兩忘境智雙遣去
 鑒洞照御氣乘雲本迹虛衷有何病累以
 其病病是以不病聖人無知覺之疵而凡
 有分別之病為病衆生之病所以降迹同
 凡說法闡教志存救溺既而不病而病病

而不病故不病也

人不敢威章第七十二
 此章明聖心忘知而能應物之方故
 此一章最分三別第一明凡不長威
 必和極無事二勸處心寬裕方會真
 道第三明奉道

第一明凡不長威必招惡報
 會經史地獄之中極為辛苦陰陽
 天之刑處物而難周時日月之
 輝照幽室而莫曉廣廣網羅時
 身家康刀山鐵樹碎骨現現號
 受脫而無開出益成經各鏡九
 嶺前生何罪得至於斯良由欲
 不修于今宜知惡先化美廣開
 門或季舍仁大開三面吉神止
 德淳淳其度量若大鵬之舉赤
 深況似長鯨之躍法海津途朝
 使吹直豎雲天普日鑄而放法
 擊演海不知上下其神東西直
 生以威德去彼取此者聖人之
 也

人不敢威則大威至

御註有威而可畏謂之威言人於小不畏
 拙於慎微則至大可畏○御疏有威可畏
 謂之威夫欲惡之來起於微末積成病累
 為彼大威人不知慎其細微則至於大
 畏也○河上公曰威害也人不敢小害則

大害至謂死亡也畏之者當愛惜養神承
 天順地○嚴曰昌黎吉凶皆由於已若不
 畏微則必畏彰○榮曰威刑法也若不畏
 於小罪積惡不休犯網觸羅亡身損命大
 威至也內明不懼塵累縱欲不止欲縱則

精散形穢則神離神離則形敗精散則體
 弊故入真道而無緣為生死之所害則大
 威至○成疏威謂威刑即所謂經戒科目
 是也大威即三塗惡趣北都羅鄭之刑法
 也言凡夫不憚經戒妄造諸惡者則連風
 刀大刑必將至也

第二勸處心寬裕方會真源

無狹其所居

御註神所居者心也無狹者除情去欲○
 御疏神所居者心也人當忘情去欲寬柔
 其懷使靈府閑豫神棲於心身乃存也○
 河上公曰謂心居神當寬柔不當急狹也
 ○嚴曰禍莫大於亡軀福莫大乎存身存
 身之道莫過乎養神養神之要當靜心而
 寬也○榮曰無狹其所居無厭其所生人

以所生為樂受生為貴不能閑居以養生
修善以防死流宕失鄉受著他處以他處
為廣大以本鄉為狹陋此狹其所居也長
惡傷行縱欲傷身動之死地不存久視厭
其生也勸言無者莫令如此也○成疏無
狹其所居無厭其死生厭捨也狹劣也居
安處也所生心也言修道人必須處心
無係不得域情狹劣厭離所生何者夫身
雖虛空而是受道之器不用耽愛亦不可
厭憎故耽愛則滯於有為厭憎則溺於空
見不耽不厭處中而忘中乃守真學者也
無厭其所生

御註身所生者神也無厭者少思寡欲不
勞倦也御疏身所生者神也厭惡也人
由神而生故謂神為所生也神明託虛好
靜人當洗心息慮神自歸之若嗜欲黷神
營為滑性則精氣散越散越則生亡故勸
今無厭所生之神以存長久之道○河上
公曰人所以生者以有精神託空虛喜清
靜飲食不節忽道念色邪僻滿腹為伐本

厭神也

夫唯不厭是以不厭

御註夫唯不厭神是以神亦不厭人爾○
御疏善貸白道資形者神人能愛道存神
故云夫唯不厭除垢止念惟精惟一神不
厭人故云是以不厭○河上公曰夫唯獨
不厭精神之人洗心垢濁恬泊無欲則精
神居之不厭也○禁曰通生由道成形藉
神若能愛道存神故云夫唯不厭除垢止
念志靜形清神既附人道亦愛己言是以
不厭也○成疏唯被所修之境非空非有
故能修之智亦不愛不憎憎智相符是以
不厭也

第三明舉聖證成示其取捨

是以聖人自知不自見

御註是以聖人自知不自見自愛不自貴
自知其身防可畏之事自愛其身無厭神
之欲不自見其能以犯患不自貴其身以
聚怨去此自見自貴取此知愛也御疏
自知者返照內省防害於微今無可畏之

事不自見者不自彰見其才能炫耀於物
違理失當以招患也○河上公曰是以聖
人自知自知己之得失也不自見不自顯
見德美於外藏之於內也○禁曰故聖人
自知不自見自愛不自貴故去彼取此凡

情失道乃為無識聖智達理故曰自知忘
於人我泯於聞見故曰不自見寶神惜氣
固精志道不輕此生故云自愛不自大以
賤小不尊行以加人忘於高下故言不自
貴自知自愛者悟理自見自貴者迷方聖
人說己化物使物知歸去彼自見自貴之
悟物取此自知自愛以全真○成疏智符
道境了達真源故自知也○四大假合生忘
隳體不自見也

自愛不自貴

御疏聖人自保愛其身絕去嗜欲令神不
厭身不自貴者不自矜貴其身凌虐於物
以聚怨爾○河上公曰自愛自愛其身以
保精氣也不自貴不自貴高榮名於世也
○成疏保養真性不輕染欲自愛也謙卑

靜退充物後已不自貴也

故去彼取此

御註去彼見貴取此知愛○御疏去彼自見自貴取此自知自愛聖人得平等智了法性空理無去取開教引凡寓言之爾○

河上公曰去彼自見自貴取此自知自愛也○成疏去彼自見自貴取此自知自愛欲示物鑒戒故寄去取為言也

道德真經玄德纂疏卷之十八

道德真經玄德纂疏卷之十九

唐玄宗御註并疏

河上公嚴君平李榮註

西華法師成玄英疏

溆陽強思齊纂

勇於敢章第七十三勇於敢章所以無知果生不覺或謂論三章故以此章重明此人勇進有為故歸流生死就此一章兼別三別第一明凡聖二行利害不同第二明極善極法比寬大而報應與差

第一明凡聖二行利害不同夫聖人天之用道帝立國樂早能先未善所以威剛勇而致剛故未帝順而昌漢宗自公逆而殘楚以勇必殺可善故明兩者示人可不所樂置險

而必舉凡物無微猶感時而獨行說人懷心不修遠而何去天網不春日所以貞明地理無差山河於焉靜鎮不顛崩於朽壤無發泄於毛間致去之遠既弘肥之德難因不言而

勇於敢則敢勇於不敢則活

御註敢謂果敢言人勇於果敢從事則失於謙柔退讓必害於身故云則殺不敢者則可以活○御疏剛決為勇必果為敢言

覆二

強梁之人無所畏忌失於謙柔決於果敢犯上作亂者則是殺身之道也故曰勇於敢則殺勇於不敢則活者人若於事靜慎斂身知退所決在於不敢強梁犯患則是活身之道故云勇於不敢則活○河上公

曰勇於敢則殺勇敢有為則殺身也勇於不敢則活勇於不敢有為則活其身者也

○榮曰不懼為勇心果為敢白刃交於前視死若生者烈士之勇也然智非計策力異驍雄貪利而前必喪身命故言則殺義

不爭利仁必以慈或以道德來人或以策智伏物於物無害在我全身故言則活內明勇於聲色者殺身不敢情塵者活已○成疏勇猛進也敢果決也殺死滅也活長生也言進心果決貪於世事則死滅也若

進心虛淡不敢貪滌即長生也

知此兩者或利或害

御註知此兩者或利或害天之所惡孰知其故兩者敢與不敢或有也能知不敢者有利敢者有害當須勇於不敢此勇敢之